



Broj: 01/1-45- /25
Bihać, 28.11.2025.godine

ZAPISNIK
sa 32. redovne sjednice Skupštine Unsko-sanskog kantona
održane dana 28.11.2025.godine

32. redovna sjednica Skupštine Unsko-sanskog kantona održana je dana 28.11.2025.godine (petak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Opravdano je odsutan zastupnik Hajrudin Halilović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 32. redovne sjednice Skupštine Unsko-sanskog kantona na osnovu materijala koji su se nalazili u Skupštini.

Zatim je predsjedavajući Skupštine pročitao

D n e v n i r e d

1. Zapisnik sa 31. redovne sjednice,
2. Poslanička pitanja,
3. Izbor i imenovanja:
 - a) Mišljenje Komisije za izbor, imenovanja i finansijsko administrativna pitanja sa prijedlogom Odluke o razrješenju člana Nezavisnog odbora;
 - b) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona.
4. Prijedlog Zakona o izmjeni Zakona o državnoj službi u Unsko-sanskom kantonu,
5. Prijedlog Zakona o srednjem obrazovanju,
6. Prijedlog Odluke o uspostavljanju Elektronske baze podataka institucija Unsko-sanskog kantona,
7. Izvještaj o radu JU Pedagoški zavod Unsko-sanskog kantona za 2024.godinu,
8. Izvještaj o radu i finansijskom poslovanju JU Arhiv Unsko-sanskog kantona za 2024.godinu,
9. Izvještaj o radu Sportskog saveza Unsko-sanskog kantona za 2024.godinu,
10. Izvještaj o radu Kantonalne uprave civilne zaštite za 2024.godinu,

11. Informacija o primjeni alternativne krivične sankcije rad za opće dobro na slobodi na području Unsko-sanskog kantona za 2024.godinu,
12. a) Izvještaj o radu i finansijskom poslovanju JU „Služba za zapošljavanje Unsko -
sanskog kantona“ Bihać za 2024.godinu;
b) Program rada i finansijski plan za 2026.godinu JU „Služba za zapošljavanje Unsko-
sanskog kantona“ Bihać.

Također predsjedavajući Skupštine upoznao je prisutne da je Vlada Unsko-sanskog kantona predložila da se prijedlog Zakona o izmjeni Zakona o državnoj službi u Unsko-sanskom kantonu razmatra po skraćenom postupku, te je shodno tome zamolio ministricu Ministarstva pravosuđa i uprave da obrazloži razloge za skraćeni postupak.

Sanela Zečirević, ministrica Ministarstva pravosuđa i uprave obrazložila je razloge za razmatranja prijedloga Zakona o izmjeni Zakona o državnoj službi u Unsko-sanskom kantonu po skraćenom postupku.

Predsjedavajući Skupštine zahvalio se na obrazloženju, a zatim je otvorio raspravu.

Učešće u diskusiji uzeli su: Asmir Ćufurović i Elvira Abdić Jelenović.

Nakon zatvorene rasprave, odgovore na postavljena pitanja zastupnika dao je Vahid Ćoralić, sekretar Ministarstva pravosuđa i uprave.

Zatim je predsjedavajući Skupštine zamolio zastupnike da se izjasne o prijedlogu da se prijedlog Zakona o izmjeni Zakona o državnoj službi u Unsko-sanskom kantonu razmatra po skraćenom postupku.

Sa 17 glasova »za«, 7 glasova »protiv« i 4 glasa »suzdržan«, Skupština Unsko-sanskog kantona usvojila je sljedeći:

ZAKLJUČAK

Prijedlog Zakona o izmjeni Zakona o državnoj službi u Unsko-sanskom kantonu, razmatraće se po skraćenom postupku.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 31. redovne sjednice

Bez diskusije, sa 28 glasova »za«, bez glasova »protiv« i bez glasova »suzdržan«, Zapisnik sa 31. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Emir Dautović, Sanil Hasić, Asmir Ćufurović, Zinajda Hadžić, Abid Mulalić, Fatka Kulenović, Azhar Sejarić, Aida Pašić, Almin Hopovac, Azra Tajić, Amir Murić, Elvir Risović i Jasmin Hušić.

Odgovore na poslanička pitanja dali su:

- Danko Jakšić, ministar Ministarstva finansija,
- Denis Osmankić, ministar Ministarstva obrazovanja, nauke, kulture i sporta,
- Nisvet Jusić, predsjedavajući Skupštine Unsko-sanskog kantona.

Ad.3.

Izbor i imenovanja:

a) Mišljenje Komisije za izbor, imenovanja i finansijsko administrativna pitanja sa prijedlogom Odluke o razrješenju člana Nezavisnog odbora

b) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona

Izvjestio:

- Almin Hopovac, predsjedavajući Komisije za izbor, imenovanja i finansijsko administrativna pitanja obrazložio je Mišljenje Komisije za izbor, imenovanja i finansijsko administrativna pitanja sa prijedlogom Odluke o razrješenju člana Nezavisnog odbora.
- Ispred Vlade Unsko-sanskog kantona, Samra Mehić, ministrica Ministarstva privrede obrazložila je prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona.

Učešće u diskusiji uzela je zastupnica Elvira Abdić Jelenović.

Obzirom da više nije bilo prijavljenih za diskusiju, predsjedavajući Skupštine je zatvorio raspravu.

Na prijedlog predsjedavajućeg Skupštine pauza u trajanju od dva sata u periodu od 12:00 do 14:00 sati.

Nakon završene pauze, Skupština je nastavila sa radom, a sjednici je pristupio zastupnik Emir Šabić.

Predsjedavajući Skupštine zamolio je zastupnike da se izjasne:

- a) Mišljenje Komisije za izbor, imenovanja i finansijsko administrativna pitanja sa prijedlogom Odluke o razrješenju člana Nezavisnog odbora.

Sa 25 glasova »za«, bez glasova »protiv« i 3 glasa »suzdržan«, prijedlog Odluke o razrješenju člana Nezavisnog odbora, dobio je potrebnu većinu.

- b) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona.

Sa 20 glasova »za«, 6 glasova »protiv« i 2 glasa »suzdržan«, prijedlog Odluke o imenovanju privremenog Upravnog odbora Agencije za privatizaciju, dobio je potrebnu većinu.

Ad.4.

Prijedlog Zakona o izmjeni Zakona o državnoj službi u Unsko-sanskom kantonu

Izjavitelj: Vahid Ćoralić, sekretar Ministarstva pravosuđa i uprave.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija.

Učešće u diskusiji uzeli su: Asmir Ćufurović, Šuhret Fazlić, Aida Pašić, Emir Dautović, Amir Murić, Sanil Hasić, Jasmin Hušić, Zikrija Duraković i Fatka Kulenović.

Odgovore na postavljena pitanja zastupnika dao je Vahid Ćoralić, sekretar Ministarstva pravosuđa i uprave.

Nakon završenog izlaganja g-dina Ćoralića, predsjedavajući Skupštine je konstatovao, da bi predstavnici Ministarstva pravosuđa i uprave trebali možda razmisliti o mogućnosti da u skorije vrijeme pripreme novi Zakon o državnoj službi ili izmjene i dopune istog, obzirom da je toku rasprave bilo dodatnih prijedloga za unaprijeđenje rada državne službe, a zatim je dao riječ ministrici Ministarstva pravosuđa i uprave.

Sanela Zečirević, ministrica Ministarstva pravosuđa i uprave upoznala je prisutne da je Federalno ministarstvo pravde izradilo draft Zakona o državnoj službi koji bi ubrzo trebao biti dostavljen svim kantonima radi davanja primjedbi i sugestija, nakon čega će se spustiti na niže nivoe vlasti iz čega proizilazi da će se raditi na tome da se pristupi izradi novog Zakona o državnoj službi.

Sa 20 glasova »za«, 7 glasova »protiv« i 1 glasom »suzdržan«, prijedlog Zakona o izmjeni Zakona o državnoj službi u Unsko-sanskom kantonu, dobio je potrebnu većinu.

Ad.5.

Prijedlog Zakona o srednjem obrazovanju

Predsjedavajući Skupštine zamolio je predlagачa da u toku izlaganja obrazloži stav Vlade Unsko-sanskog kantona u vezi amandmana koje je na prijedlog Zakona o srednjem obrazovanju podnio zastupnik Azhar Sejarić.

Izjavitelj: Albijana Trnavci, sekretar Ministarstva obrazovanja, nauke, kulture i sporta.

Albijana Trnavci, sekretar Ministarstva obrazovanja, nauke, kulture i sporta upoznala je prisutne da je zastupnik Azhar Sejarić podnio ukupno 3 amandmana na prijedlog Zakona o srednjem obrazovanju, te da je Vlada Unsko-sanskog kantona prihvatila Amandman broj 1 koji postaje sastavni dio zakona.

Ona je također naglasila da je g-din Sejarić povukao Amandman broj 2 i da se iz tog razloga Vlada nije ni očitovala o istom, dok je Amandman broj 3 prihvaćen u jednom dijelu, ali je tehnički odbijen od strane Vlade Unsko-sanskog kantona.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada,
- Azhar Sejarić, predsjedavajući Komisije za obrazovanje, nauku, kulturu, sport i mlade,
- Nijaz Kadirić, predsjedavajući Komisije za budžet, ekonomsku i finansijsku politiku.

Učešće u diskusiji uzeli su: Asmir Ćufurović, Azhar Sejarić, Abid Mulalić, Emir Dautović, Fatka Kulenović, Jasmin Hušić, Aida Pašić, Zinajda Hadžić, Azra Tajić i Nisvet Jusić.

Sa 24 glasa »za«, bez glasova »protiv« i bez glasova »suzdržan«, prijedlog Zakona o srednjem obrazovanju, dobio je potrebnu većinu.

Ad.6.

Prijedlog Odluke o uspostavljanju Elektronske baze podataka institucija Unsko-sanskog kantona

Izvjestilac: Zastupnik Nisvet Jusić.

Učešće u diskusiji uzeli su: Almin Hopovac, Elvira Abdić Jelenović i Zikrija Duraković.

Nakon zatvorene rasprave, odgovore na postavljena pitanja zastupnika dao je Nisvet Jusić.

Zatim je predsjedavajući Skupštine dao riječ zastupniku Duraković Zikriji i zastupniku Hopovac Alminu koji su izrazili nezadovoljstvo sa dobijenim odgovorima.

Zikrija Duraković je konstatovao, da Ministarstvo finansija posjeduje registar budžetskih korisnika sa svim potrebnim podacima, a koje je dužno da posjeduje po Zakonu o finansijskom poslovanju.

Almin Hopovac je konstatovao, da mu nije bila namjera da sugerira ili nagovjesti da je predmetna Odluka loša, već u svojstvu predsjedavajućeg Komisije za izbor, imenovanja i finansijsko-administrativna pitanja želi naglasiti da će biti vrlo teško ili nemoguće da Komisija donese odluku o utvrđivanju dodatka na plaću za lice koje treba uspostaviti i ažurirati Elektronsku bazu podataka, odnosno da se izdvajaju budžetska sredstva za nekoga da uspostavi bazu koja već postoji. Također Almin Hopovac zatražio je pauzu u trajanju od 5 minuta.

Po Poslovniku za riječ se javio Jasmin Hušić koji je konstatovao, da pozdravlja predmetnu Odluku u smislu kako je ona u početku zamišljena, te je predložio da se predzadnji član izmjeni na način da Elektronsku bazu podataka vodi Ured za borbu protiv korupcije Unsko-sanskog kantona koji je za to ovlašten zakonom.

Po Poslovniku za riječ se javio Mladen Lonić koji je konstatovao, da je predsjedavajući Skupštine htio da Skupština Unsko-sanskog kantona ima osobu zaduženu za Elektronsku bazu podataka kako bi u svakom trenutku imali potrebne informacije kada je u pitanju praćenje rada tih institucija.

Na zahtjev Kluba SDP-a pauza u trajanju od 5 minuta.

Nakon završene pauze, Almin Hopovac je zatražio od predsjedavajućeg Skupštine, kao predlagача materijala, da se prije izjašnjavanja o prijedlogu Odluke, izjasni o predloženim sugestijama.

Obzirom da su prijedlozi za izmjenu člana 8. prijedloga Odluke dostavljeni nakon zaključenja rasprave, predsjedavajući Skupštine je konstatovao, da se isti ne mogu uvažiti na način da se brišu stav (3) i stav (4), nakon čega je dao na izjašnjavanje prijedlog Odluke o uspostavljanju Elektronske baze podataka institucija Unsko-sanskog kantona.

Sa 16 glasova »za«, 4 glasa »protiv«, prijedlog Odluke o uspostavljanju Elektronske baze podataka institucija Unsko-sanskog kantona, dobio je potrebnu većinu.

Nakon glasanja, podnesen je zahtjev za pojedinačnim izjašnjavanjem zastupnika.

Nakon pojedinačnog izjašnjavanja, sa 16 glasova »za«, 4 glasa »protiv« i 4 glasa »suzdržan«, prijedlog Odluke o uspostavljanju Elektronske baze podataka institucija Unsko-sanskog kantona, dobio je potrebnu većinu.

Ad.7.

Izvještaj o radu JU Pedagoški zavod Unsko-sanskog kantona za 2024.godinu

Izvestilac: Muamer Hadžić, v.d. direktora JU Pedagoški zavod Unsko-sanskog kantona.

Ispred radnih tijela:

- Azhar Sejarić, predsjedavajući Komisije za obrazovanje, nauku, kulturu, sport i mlade,
- Nijaz Kadirić, predsjedavajući Komisije za budžet, ekonomsku i finansijsku politiku.

Učešće u diskusiji uzeo je zastupnik Emir Dautović.

Sa 3 glasa »za«, bez glasova »protiv« i 20 glasova »suzdržan«, Izvještaj o radu JU Pedagoški zavod Unsko-sanskog kantona za 2024.godinu, nije dobio potrebnu većinu.

Ad.8.**Izvještaj o radu i finansijskom poslovanju JU Arhiv Unsko-sanskog kantona za 2024.godinu**

Izvjestilac: Rejhana Saračević, direktorica JU Arhiv Unsko-sanskog kantona.

Ispred radnih tijela:

- Azhar Sejarić, predsjedavajući Komisije za obrazovanje, nauku, kulturu, sport i mlade,
- Nijaz Kadirić, predsjedavajući Komisije za budžet, ekonomsku i finansijsku politiku,
- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova.

Bez diskusije, sa 17 glasova »za«, bez glasova »protiv« i 3 glasa »suzdržan«, Izvještaj o radu i finansijskom poslovanju JU Arhiv Unsko-sanskog kantona za 2024.godinu, dobio je potrebnu većinu.

Ad.9.**Izvještaj o radu Sportskog saveza Unsko-sanskog kantona za 2024.godinu**

Izvjestilac: Emir Dautović, predsjednik Sportskog saveza Unsko-sanskog kantona.

Ispred radnih tijela:

- Azhar Sejarić, predsjedavajući Komisije za obrazovanje, nauku, kulturu, sport i mlade,
- Nijaz Kadirić, predsjedavajući Komisije za budžet, ekonomsku i finansijsku politiku,

Učešće u diskusiji uzela je zastupnica Irma Fatkić.

Sa 17 glasova »za«, bez glasova »protiv« i 4 glasa »suzdržan«, Izvještaj o radu Sportskog saveza Unsko-sanskog kantona za 2024.godinu, dobio je potrebnu većinu.

Ad.10.**Izvještaj o radu Kantonalne uprave civilne zaštite za 2024.godinu**

Izvjestilac: Dževad Livaković, direktor Kantonalne uprave civilne zaštite.

Ispred radnih tijela:

- Sanil Hasić, predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam,
- Nijaz Kadirić, predsjedavajući Komisije za budžet, ekonomsku i finansijsku politiku.

Učešće u diskusiji uzeo je Mladen Lonić.

Odgovore na postavljena pitanja dao je Dževad Livaković, direktor Kantonalne uprave civilne zaštite.

Sa 24 glasa »za«, bez glasova »protiv« i bez glasova »suzdržan«, Izvještaj o radu Kantonalne uprave civilne zaštite za 2024.godinu, dobio je potrebnu većinu.

Ad.11.

Informacija o primjeni alternativne krivične sankcije rad za opće dobro na slobodi na području Unsko-sanskog kantona za 2024.godinu

Izvjestilac: Sanela Zečirević, ministrica Ministarstva pravosuđa i uprave.

Ispred radnih tijela:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Bez diskusije, sa 23 glasa »za«, bez glasova »protiv« i 1 glasom »suzdržan«, Informacija o primjeni alternativne krivične sankcije rad za opće dobro na slobodi na području Unsko-sanskog kantona za 2024.godinu, dobila je potrebnu većinu.

Ad.12.

a)Izveštaj o radu i finansijskom poslovanju JU „Služba za zapošljavanje Unsko - sanskog kantona“ Bihać za 2024.godinu

b)Program rada i finansijski plan za 2026.godinu JU „Služba za zapošljavanje Unsko-sanskog kantona“ Bihać

Izvjestilac: Nedžad Zukanović, direktor JU „Služba za zapošljavanje Unsko - sanskog kantona“ Bihać.

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova,
- Elvir Risović, zamjenik predsjedavajućeg Komisije za zdravstvo, boračka pitanja, rad i socijalnu politiku.

Emir Dautović, predsjedavajući Komisije za pravdu, ljudska prava, građanske slobode i jednakopravnost spolova konstatovao je, da je komisija na 28. sjednici, održanoj dana 27.11.2025.godine donijela zaključak kojim se traži od Vlade Unsko-sanskog kantona, Ministarstva zdravstva, rada i socijalne politike, Ministarstva privrede, Ministarstva za pitanje boraca i ratnih vojnih invalida i Ministarstva obrazovanja nauke, kulture i sporta da u dogovoru sa direktorom JU „Služba za zapošljavanje Unsko-sanskog kantona“ Bihać, u budžetu za narednu 2026.godinu osiguraju sredstva za prekvalifikaciju, dokvalifikaciju i školovanje žena žrtvi nasilja, a prvenstveno za žene koje se nalaze u Sigurnoj kući, te je shodno tome zatražio da se predmetni zaključak dopuni na način da se osiguraju sredstva potrebna za pomoć kod prvog zapošljavanja mladih bez roditeljskog staranja o kojima trenutno skrbi Socijalno-pedagoška životna zajednica Bihać, koji su napunili 18 godina, završili srednju školu i ne nastavljaju sa daljnjim školovanjem.

Učešće u diskusiji uzeli su: Emir Dautović, Azra Tajić, Amir Murić, Fatka Kulenović i Mladen Lonić.

Odgovore na postavljena pitanja dao je Nedžad Zukanović, direktor JU „Služba za zapošljavanje Unsko - sanskog kantona“ Bihać.

Nakon zatvorene rasprave, predsjedavajući Skupštine zamolio je zastupnike da se izjasne:

- a) Izvještaj o radu i finansijskom poslovanju JU „Služba za zapošljavanje Unsko - sanskog kantona“ Bihać za 2024.godinu.

Sa 19 glasova »za«, bez glasova »protiv« i 5 glasova »suzdržan«, Izvještaj o radu i finansijskom poslovanju JU „Služba za zapošljavanje Unsko - sanskog kantona“ Bihać za 2024.godinu, dobio je potrebnu većinu.

- b) Program rada i finansijski plan za 2026.godinu JU „Služba za zapošljavanje Unsko-sanskog kantona“ Bihać.

Sa 20 glasova »za«, bez glasova »protiv« i 4 glasa »suzdržan«, Program rada za 2026. godinu JU „Služba za zapošljavanje Unsko-sanskog kantona“ Bihać, dobio je potrebnu većinu.

Sa 20 glasova »za«, bez glasova »protiv« i 4 glasa »suzdržan«, Skupština Unsko-sanskog kantona donijela je sljedeću:

ODLUKU

Daje se saglasnost na Finansijski plan JU „Služba za zapošljavanje Unsko – sanskog kantona“ Bihać za 2026.godinu.

S ovim je završena 32. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić